

Ang Fair PharmaCare Plan para sa Bagong Residents ng Canada

Dapat kang mag-enrol sa Medical Services Plan bago ka magrehistro para sa Fair PharmaCare Plan

- Sinasakop ng Medical Services Plan (MSP) ang mga medikal na gastos tulad ng pagpunta sa doktor at ospital para sa mga taong naninirahan sa British Columbia. Kapag ikaw ay nag-enrol, padadalhan ka ng MSP ng BC Services Card.
- Kailangan mo ang Personal Health Number (PHN) na nasa iyong BC Services Card upang makakuha ng mga medikal na serbisyo.

Para sa karagdagang impormasyon tungkol sa MSP, bisitahin ang www.gov.bc.ca/msp.

Oras na natanggap mo na ang iyong BC Services Card, magrehistro para sa Fair PharmaCare

- Covered ng Fair PharmaCare ang karamihan ng mga de-resetang gamot at ilang medical supplies.
- Mababawasan ng Fair PharmaCare plan ang iyong mga gastos, depende sa kita ng iyong pamilya at halagang ginagastos mo para sa mga de-resetang gamot at medical supplies bawat taon.
- Libre ang pagrehistro para sa Fair PharmaCare. Wala kang anumang mga premium na babayaran.

Mangyaring tingnan ang [pangkalahatang impormasyon](#) ng Fair PharmaCare o bisitahin ang www.gov.bc.ca/pharmacare para sa karagdagang impormasyon tungkol sa plan.

Paano ba ako magrerehistro?

- Online sa <https://my.gov.bc.ca/ahdc>, o kaya'
- Tawagan ang Health Insurance BC. Pinamamahalaan ng Health Insurance BC (HIBC) ang PharmaCare at Medical Services Plan. Ang HIBC Customer Service Agents ay matatawagan Lunes hanggang Biyernes, 8 AM - 8 PM at Sabado 8 AM - 4 PM. Mula Vancouver at Lower Mainland, tumawag sa 604 683-7151, at mula sa ibang bahagi ng B.C., tumawag sa 1 800 663-7100

Paano ko ireport ang aking income kung ako ay bagong resident?

- Kapag nagrehistro ka para sa Fair PharmaCare, ipahayag ang iyong tinatayang net income mula sa naunang taon. Kung ikaw ay may asawa, ipahayag din ang net income ng iyong asawa. Siguraduhing isama ang impormasyon tungkol sa income na kinita sa loob at *labas ng Canada*.
- Makakakuha ka kaagad ng **temporary coverage** batay sa impormasyon ng income na iyong ipinahayag.
- Susubukang i-verify ng aming computer system ang iyong income sa Canada Revenue Agency. Kung hindi ma-verify ng Canada Revenue Agency ang iyong income dahil hindi ka nag-file ng income tax return sa Canada para sa taong iyon, padadalhan ka namin ng sulat.
- Kapag natanggap mo ang sulat, tawagan ang Health Insurance BC gamit ang isa sa mga numerong nasa itaas. Sasabihin nila sa iyo kung ano ang mga dokumentong maaari mong ipadala upang patunayan ang iyong income.